

L. B. F.
SPECIMEN ACADEMICUM

De

NEXU

Et

CONNUBIO LOGICÆ CUM MATHESI,

Qvod

Ex mandato Amplissimi Senatus Academicæ

AUCTOR

JOHANNES WELIN

Facult. Philos. Adjunct.

Respondente

GABRIELE HEINRICIO *Wiburgensi*


Publico bonorum Examini submittit
Die 25. April. Anno 1735. loco horisqve confvetis,

ABOÆ, Excid. Joh. Kiämpe Reg. Acad. Typ.

CONSPECTUS.

- §. I. Generalem dissertationis ideam Σ Schema exhibet.
- §. II. De notionibus rerum agit.
- §. III. Modum ad illas pervenientia tradit.
- §. IV. Requisita definitionum tam nominalium quam realium sifit.
- §. V. Propositionum genesis Σ analysin monstrat.
- §. VI. Quæ cautela circa propositiones a posteriori eruendas sint observanda, ostendit.
- §. VII. In significando modo, quo axiomata, postulata Σ theorematata inveniri, problemata vero resolvi queant, est occupata.
- §. VIII. Syllogismorum Σ fundamentum Σ usum paucis indigitat.
- §. 9. 10. 11. 12. 13. 14. 15. 16. Logica precepta ad disciplinam mathematicam applicant.

Ostens.



§. I.

Ostensuro mihi Logicæ utilitatem ejusqve sororium cum Mathesi nexum, è re esse videtur, strictim duntaxat per summa capita eundo, generalem qvandam Logicæ indeam primum exhibere, postmodum conditionem scientiæ Mathematicæ paucis delineare, eoqve ipso tandem collationem inter utramqve ita instituere, ut mutuum illud vinculum ad oculum pateat. Cum igitur mentis nostræ operationes, ex testimonio ipsius experientiæ, sint imprimis in triplici differentia, vel enim res simpliciter per notiones apprehendimus & percipimus, vel easdem notiones inter se conferimus, vel deniqve ex iis aliquid novi colligimus, Logicaqve sit scientia dirigendi facultatem cognoscitivam in cognoscenda veritate; patet adeo illius munus imprimis in eo verti, ut de tribus hisce mentis operationibus agat. Cumqve præterea operationes hæ arctissimo vinculo ita connexæ cohæreant, ut error in prima commissus propagetur ad alteram & inde tandem ad tertiam, Logicæqve sit offici-

officium præceptis cavere, ne vitia qvædam in illas irruunt; agedum igitur videamus primo, qvid Logica qvoad primam illam operationem, notiones uenient rerum, præcipiat.

§. II.

Notiones, qvibus intelliguntur rerum qualiacunq; que in mente repræsentamina, sive illa fiant sub imagine qvadam, sive symbolis qvibuscunq; externis, ratione claritatis, qvæ illis inest, varie dispeſci solent. Illæ enim rerum notiones, qvæ non sufficiunt ad rem agnoscendam & ab aliis distin-
dam, vocantur *obscura*, qvæ vero ad hoc sufficiunt,
clare audiunt. Cæterum cum in *claris* illis notis,
qvibus res à se invicem differunt, aliquando di-
ſcernamus, aliquando non item, *clare* in priori ca-
ſu *distinctæ*, in posteriori *confusa* duntaxantur. Qvod si
præterea in notionibus distinctis notis includentibus,
ipſas notas per alia criteria à se invicem distingvere
valeamus, notiones rerum distinctæ eo in caſu *ade-
quate* nuncupantur; si vero *confusas* duntaxat habeā-
mus notarum notiones, *inadequate* dici suerunt.
Porro notiones *distinctæ* admittunt etiam divisionem
in *completas* & *incompletas*, quarum illæ requirunt no-
tas ad rem qvovis tempore ab aliis distingvendam
ſufficientes; ha vero duntaxat *insufficientes*.

§. III.

Generaliter autem tres dantur ad dictas notiones
I p̄veniēdi viæ, *reflexio* nimirū ſuper iis, qvæ ſenſi-
bus percipimus, *abſtractio* universalium à ſpecialibus &
deni-

denique arbitraria compositio & determinatio notionum
 jam antea inventarum. In specie vero ad notiones ob-
 scuras pervenimus, ubi res sensibus occurrentes
 sunt exiguae & remotiores eaque, qvæ ad notiones
 earum spectant, sub peregrinis delitescunt nosque præ-
 terea debitam attentionem in illis discutiendis non
 defigimus. Claras vero sed juxta confusas rerum no-
 tiones consequimur, ubi multa in rebus nobis obve-
 niunt, qvorum diversitatem detegere non pos-
 sumus, vel absente hoc impedimentoo, res accu-
 rata consideratione non dignamur: in casu vero op-
 posito, accedente insuper diversorum illorum consi-
 deratione in complexu, distinctas notiones adipiscimur,
 in qvibus microscopiorum & telescopiorum usus in-
 signem prorsus præstat operam. Qvo pacto autem
 ad adæquatas & inadæquatas perveniamus notiones,
 ex ipsarum definitionibus obscurum esse non potest.
 (§. 2.) Cæterum cum, si notiones sint impossibilis
 & contradictoria, demonstranda igitur est notio-
 num ipsarum possilitas. Qvod igitur attinet ad no-
 tiones, ad qvas sensuum ope & per abstractionem per-
 venimus, cum actu nihil sit, qvod in antecessum non
 sit possibile, notiones qvoque universales sint specia-
 libus, à qvibus abstrahuntur, inclusæ; patet non a-
 deo multo labore constare, illarum possilitatem de-
 monstrare. Cum autem per liberam determinationem,
 qvæ tertia est ad notiones perveniendi methodus,
 aliquando possimus incidere in notiones contradic-
 torias

ctorias; heic imprimis demonstrandum, non tam, quod determinationes ipsæ sint possibles, quam, quod in re sint compatibiles. Earum igitur notio-
num possibilitas tam *a priori* quam *a posteriori* probari
potest; ibi quidem dum Genesin rerum explicamus,
quibus per determinationem repertæ notiones com-
petunt, vel dum alia, de quorū impossibilitate antea
sumus convicti, ex illarum contrario colligimus; heis
verò, ubi inter res existentes illas invenimus, in quas
notiones, per determinationem erutæ, quadrant.

§. IV.

Quod si notiones ejus sint conditionis, ut sint *di-
stinctæ & compleæ* speciei vel generis, nec nisi in-
dividuis ejusdem Speciei vel generis constanter com-
petant, vocantur illæ *definitiones; descriptiones* verò,
si ex certo tempore & sub certis duntaxat circum-
stantiis rebus convenient. Definitiones autem sunt
vel *nominates*, vel *reales*, quæ quoque *genetice* dicun-
tur; illæ notas continent intrinsecas, ad agnitionem
& distinctionem rerum necessarias, he earundem
formandarum modum exponunt. Generaliter au-
tem in condendis definitionibus tam nominalibus,
quam realibus tenendum est, ut terminis nondum ex-
plicatis & incognitis, quin etiam impropriis, nisi an-
tecedaneis fuerint ad proprium significatum reducti defi-
nitionibus, prorsus abstineamus. Cum autem *nominates*
illæ & Logomachias tollant, fixam determinando
terminis potestatem, & sermoni in vita communi
inseruant

5

inserviant, ut res vero suo nomine compellamus, &
viam sternant definitionibus realibus inveniendis
& stupendum proflus praestent in demonstranda ve-
ritatum certitudine ulum; in illis igitur conseru-
dis impensius laborandum est. Proinde in specie
qvoad illas sollicite cavendum, ne notæ eas ingredi-
antur, nisi, qvæ rei constanter insunt, ne vitiosus
committatur in illis circulus, ne denique terminis
constent, qvi eandem notionem confusam, qvæ i-
psi rei definiendæ respondet, fundunt. Cumqve præ-
terea *definitiones reales* non minoris sint in ipsis scienti-
is utilitatis, qvam nominales; in illis condendis non
solum omnia, qvæ ad rei formationem modo quo-
cunque concurrunt, probe nobis cognita esse debent,
verum etiam, quid unum qvodque eorum eo confe-
rat, caute dispiciendum. Modi autem ad definitio-
nes reales perveniendi, pro diversitate casuum vari-
ant. Si enim nihil nobis de re in antecessum innotuit,
cognita assumenda sunt videndumque, quid ex eo-
rum combinatione resultet. Si vero res nobis ex de-
finitione nominali jam innotuit, notiones notarum,
illam ingredientium, distinctas venari oportet, quæ
perpenæ rei genesin sistunt, imprimis, ubi talia co-
gnita nobis succurrunt, qualia requiri videntur. Non
multo vero labore ad definitiones reales pervenimus,
si dum producuntur & gignuntur res, praælentes simul-
que attenti sumus, vel structuram rerum ex postfa-
cto curatius perpendimus.

§. V.

Quod si igitur rei alicujus notionem fuerimus consecuti & aliam quamcunque eidem convenire vel non convenire existimaverimus, *judicare* dicimur, ut adeo *judicium* nihil aliud sit, quam *compositio* & *divisio* duarum notionum sive *simplicium* sive *compositorum*. *Judicium* vero terminis expressum *propositio* audit. Sed cum nihil fiat sine ratione sufficiente, patet rationem dari, vel in *essentia* & *attributis* *subjecti*, vel in illius modis, vel denique in re qvapiam alia a *subjecto* diversa, qvare nimirum prædicatum illi tribuatur in propositione affirmativa. Pari ratione in propositione negativa, oportet stet, vel per *essentiam* & *affectiones* *subjecti*, vel modos, vel tandem per alias qvascunque res, quo minus prædicatum de *subjecto* dici queat. Hinc liquet, per se esse possibile, ut per *analysis* *propositio* abeat in *hypothesin* & *thesin*, qvarum partum illa denotat id, vi cuius aliquid de *subjecto* dici potest; *haec* vero illud, quod de *subjecto* dicitur. *Haec* propositionum resolutio, incredibile quantum utilitatis secum vehat, in demonstranda earum veritate & certitudine; ubi enim ea accurate fuerint excussa, qyæ stant loco conditionis, thesisqye postmodum sub incudem vocetur, patebit hanc ex illis prono alveo ruere, ut adeo insuper per hanc propositionum anatomiam constet, unde demonstrationis initium sit sumendum.

§. VI.

Sed cum duo duntaxat, ubi a *revelatione* discesseris,

ris, sint veritatis inveniendæ fontes, *experientia* nimirū
& *ratio*, ipsæqve propositiones sint quasi veritatis re-
ceptacula, patet eas etiam à posteriori & priori erui pos-
se. Illæ autem, qvæ in *experientia* sunt fundatæ,
sive ipsissimam absolvunt *experientiam* vocan-
tur *judicia* sive *propositiones intuitivæ*, qvæ vero
ex iis vel aliis qvibuscunqve ratiocinatione col-
liguntur *discursiva* vel *collectiva* audiunt. Dum ve-
ro prout solenne est, iudicia *discursiva* pro *intuitivis*
vendantur, illudqve, qvod ab *experientia* ratioci-
natione conclusum est, pro ipsa habetur *experientia*,
solet illa *catastrophe vitium subreptionis* vocari, qvod
qvidem, ut scientiis hactenus obfuit; ita iis earum-
que incrementis hodienum non parum officit. Nō
vero ejuscemodi subreptionis vitium, quo nobis ex-
periri videmur, qvod reapse non experimur, com-
mittamus, operæ pretium est, ea indicare, qvæ sub
experientiam cadunt, qvæve cautelæ circa unum
qvodqve eorum sint observandæ. Illa igitur qvæ
experientiae subtunt, vel sunt *res ipsæ*, vel earum
attributa & *affectiones*, vel *mutationes*, qvæ in rebus
existunt, vel deniqve rerum *mutua actiones*. Qvod si
igitur *res ipsæ* experimur, notiones duntaxat rerum
per *reflexionem* nobis acqvirimus (§. 3) non vero pro-
positiones, de qvibus jam sermo est. Si vero rerum
attributa experiri contingat, unde *judicia intuitiva*
resultant, attendendum est non solum ad diversita-
tem *loci* & *temporis*; verum etiam notiones distinetæ;
tam prædicati, de quo qvæstio est, quam rerum con-
tigue

arum sunt investigandæ, ex quærum deinde notio-
num collatione constabit, an à rebus contiguis illud,
quod rei inesse deprehenditur, an vero à rei ipsius
essentia pendeat & inter attributa numerandum sit.
Si autem de rerum *mutationibus* judicia intuitiva sint
formanda, omni dubio vacat, mutationis in re qua-
piam causam esse alteram, si, quamprimum hæc
ili fuerit contigua, in illa mutatio exsurgat. Ut ve-
ro appareat rem quampliā esse unicam mutationis
in altera facta causa, dispiciendum est, an res, de
cujus mutatione quæritur, jam in antecessum muta-
tionem sit passa, nec ne, quin etiam, num alia
quoque causa ad illam mutationem symbolam con-
ferat. Dum autem mutatio in aprico est, latente i-
psa causa, non statim ad coëxistentiam rerum qua-
rumcunque recurrentium est, illas pro mutationis
causis venditando, quemadmodum vulgo fieri ani-
madvertimus. Ubi tandem judicia intuitiva de mu-
tuis rerum *actionibus* condenda sunt, omnium illarum
attributa sigillatim primo perpendi debent, quid
nempe una quæque illarum ad negotium substratum
conferat, postmodum autem, quid ex rerum illarum
compositis attributis tandem resultet. Verum licet
experiendiæ res singulares concernant atque proposi-
tiones singulares complectantur, cum tamen, rite
determinatis omnibus circumstantiis & conditionibus
rem afficientibus, propositiones singulares in univer-
sales facili negotio converti possint, quarum postmo-
dum indispensabilis est in scientiis usus, sensusque no-
stri sint cognitionis empiricæ media, qui rem non-

nunquam aliter, quam ut se habeat, nobis exhibent; hinc sollicite cavendum, ne, sensibus nimium quantum tribuentes judiciaque præcipitantes, nosmet turpiter demus.

§. VII.

Quod vero concernit propositiones a priori eruendas, possunt illæ vel ex unica definitione, vel ex pluribus simul inveniri: in utroque casu propositiones vel dicunt prædicatum subiecto competere, vel modum agendi continent, illæ theoretice, hæ practicæ audiunt. Propositiones autem si theoreticæ sint & ex unica definitione deducuntur, *axiomata*, si practicæ, *postulata* vocantur; ex pluribus vero secum invicem collatis definitionibus & propositionibus, propositiones theoreticæ *theoremata*, practicæ autem *problemata* dici sueverunt. Quandoquidem autem non raro proficuum est, veritates non solum in universali tradere; verum etiam earundem ad casus quosvis speciales applicationem ostendere, inde evidens est *corollariorum* necessitas, quæ casus speciales, sub propositionibus universalibus contentos, complectuntur. Cumque præterea *scholia* inventionum fontes detegant, ordinis rationem reddant, obscurius dicta explicant usumq; definitionum & propositionum ostendant, inde obscurum esse non potest, quis illis in scientiis assignandus sit locus, quidve pretii statuendum. Quod vero adtinet ad *axiomatum* & *postulatorum* inventionem, nihil aliud eo spectare videtur, quam ut omnium eorum, quibus definitiones constant, ex qui-

bus illa erui debent, distinctas nobis acquiramus notiones (§. 3), eatumque inter se collationem instituimus. *Theoremat̄ autem si invenire desideraverimus*, notiones itidem distinctas eorum, quæ in pluribus definitionibus continentur, venari oportet, easque non solum inter se conferre, verum etiam nobis in memoriam revocare, quæ de rebus, quarum definitio-nes in quæstione sunt, nobis in antecessum, tam a priori, quam posteriori, nota & perspecta esse possunt. Cum vero *problemata* propositiones sint practicæ, adeo ut vi illorum aliquid agi debeat, in illis igitur resolvendis dispiciendum est, ut notionem efficiendi distinctam consequi eorumque recordari possimus, quæ de ejusmodi rebus nobis alias innotuere, quo constet, num in illis aliquid tale reperiri possit, quod substrati problematis resolutio flagitat. Porro, cum problemata ex parallelismo multarum propositionum generari concipientur, & propositiones quævis in hypothesin & thesin resolvi possint (§. 5.), ut adeo ipsæ problematum resolutiones stent loco conditionum, propositiones vero problematicæ ipsarum positionum vicem obeant; patet adeo problemata & eo modo resolvi posse, si ipsas definitiones & propositiones ex quibus problemata resultarunt, quæve ipsam eorum resolutionem ingrediuntur, altius fuerimus rimiati. Alios resolvendi modos consulto prætermittimus, in quibus principem locum sibi vendicat *principium reductionis*, quo incognitum vi similitudinis, quæ inter illud & cognitum intercedit, in cognitum mutari solet.

§. VIII.

Quod vero tandem attinet ad ipsam ratiocinationem, quæ tertia est mentis operatio; illius fundamentum est dictum de omni & nullo. Dictum de omni vocantur hæc propositiones: cuiusunque competit definitio, eidem etiam competit definitum: & quicquid prædicatur de genere & specie, etiam prædicari debet de eo, quod sub illo genere & specie continetur. Dictum vero de nullo dicuntur hæc propositiones: cuiusunque non competit definitio, eidem neque competit definitum: & quicquid negatur de genere & specie, debet etiam de eo, quod sub genere & specie illa continetur, negari. Hisce igitur duobus fulcris innititur omnis ratiocinatio humana, in qua cunque demum scientia occupata, quæ quidem fundamenta eo censenda sunt firmiora, quo certius est unicuique, aliquali saltem meditatione utenti, ea in magno & inconcluso illo contradictionis principio recumbere. Et si quis acutiori scrutinio hæc ipsa fundamenta discusserit, deprehendet is facile, omnes illos canones, qui, ad obtinendam genuinam in syllogismis formam, sunt exigitati, illis unice natales suos debet. Loquor imprimis de canonibus primæ syllogismorum figuræ, quæ omnium aliarum merito putabitur optima, tam quoad illius evidentiam, quam quoad ratiocinandi modum, quem præ aliis figuris habet, maxime naturalem, cuius quoque tanta est dignitas, ut aliis quibuscumque figuris facile carere possimus. De syllogismorum autem modis, qui ex propositionum quantitate & qualitate resultant, non
inten-

integrum est nobis quicquam dicere: hoc duntaxat affirmamus, tantam esse ipsorum syllogismorum in omnibus scientiarum genere & utilitatem & necessitatem, ut nihil prorsus veri à priori inveniri, nihil demonstrari, nulli denique errori caveri possit, nisi per syllogismos. Hæc igitur, quæ in eum finem dicta sunt, ut breve quoddam sisteretur ipsius Logicæ schema, si cui fortassis aliquanto videantur esse prolatæ obscurius, quod brevitati litandum erat, poterit is opera Logica Cel Christ. Wolfi consulere, quem in hisce, præ quibusvis aliis, sequendum duximus.

§. IX.

UT autem constet, quis sit, quoad primam mentis operationem, Logicæ cum Mathesi nexus, videamus, quo pacto Mathesis, in inveniendis notionibus, præcepta Logica in usus suos convertat. Spissum esset & Longum opus, per totum Scientiæ Mathematicæ campum exspatiari & in una quaque notione artificia Logica detegere; proinde quoad præsens institutum satis est, si oculatam, quibusdam duntaxat exemplis, rei fidem fecerimus. Diximus (§. 3.) nos per reflexionem, abstractionem & arbitriam determinationem ad notiones rerum pervenire posse. Hisce artificiis ubique utuntur Mathematici. Quot enim rerum notiones per reflexionem consecuti sunt in Mathesi mixta, imprimis vero in Astronomia, testantur tot, in hac Mathematicæ parte, oculatam nudo quam armato, institutæ observations. Per arbitriam vero determinationem tot figurarum species

13

species inventæ sunt, ut nihil supra. Unde enim notio trianguli æquilateri, æquicruri & scaleni, rectangularium & polygonorum, circuli, parabolæ, hyperbolæ & ellipsoes, nisi ex arbitraria determinatio-
ne ejus, quod in lineis rectis & curvis indeterminatum est? Quid? quod tertiam quoque ad notiones perveniendi methodum, nimirum abstractionem, vi-
deamus à Mathematicis, statim in limine Geometriæ,
circa objectum illius evolvendum, attendi solere. A
materia enim sensibili & communi abstrahunt id, quod
antea cum materia erat coniunctum, nimirum qvan-
titatem, eamq; cum omnibus relationibus sibi conside-
randam proponunt; unde perspicuum est & evidens,
Mathematicos eam, quam complanant præcepta
Logica, calcare ad rerum notiones viam.

§. X.

Videamus porro, cui viæ insistant Mathematici
in indagandis ideis & notionibus distinctis, i-
psumq; objectum Matheseos sub fusioris considera-
tionis examen vocemus, ut appareat, quid circa il-
lud communiter fieri solet. Non sufficit Mathematicis
quantitatem solum à materia abstrahere eamq;
per se considerare, nisi etiam distinctam consequevan-
tur ipsius quantitatis notionem & ideam: hinc di-
versa illa, quæ in imaginaria illa quantitate occur-
runt, sigillatim primo, postmodum suo in complexu
considerant. Diversa vero illa cum sint longitudo, la-
titudo & profunditas, sive tres illæ dimensiones; hinc
partem geometriæ primam, Euthymetriam nempe,
circa longitudinem, Epipedometriam circa latitudi-

nem

nem, Stereometriam denique circa profunditatem occupatam volunt, utque magis distinctam & adæquatam adipiscantur ipsius quantitatis ideam & conceptum, quam ad aliam quamcunque datam habeat rationem, insuper ad calculum exigunt. Sed cum præcepta Logica id etiam nobis injungant, ut in quærendis distinctis rerum ideis, omnia, quæ in rebus diversa reperiuntur, primo seorsim perpendamus, postmodum secum invicem conferamus (§. 3.); evidens est, quoad hoc quoque punctum, ipsius Theseos cum Logica nexus.

§. XI.

Condunt Mathematici definitiones ita, ut illas non ingrediatur quidquam, nisi quod rei constanter inest, nec terminis utantur in illis, nisi propriis & qui vel in antecessum sunt definiti, vel jure præsupponuntur cogniti, adeo ut confusis notionibus ubique abstineant, nec circulum in definiendo committant. Porro in construendis definitionibus realibus nominalium considerationem in subsidium vocant, eaque assumunt, quæ in antecessum sunt cognita, observantes, quid ex illorum combinacione exsurgat; ut, dum ad sistendam ipsis parallelogrammi, parallelipipedi & ellipsoes genesis, illic assumunt lineam unam juxta alteram quietem motu parallelo deorsum ferri, istuc parallelogrammum recta linea delabi, heic filum laxum utroque sui extremo in locis fixam sinuoso flexu in gyrum agi. Definitionibus denique tam nominalibus quam realibus utuntur.

tuntur tamquam inconcussis fundamentis & principiis in demonstranda theorematum suorum certitudine; unde cum Logica idem circa definitionum indolem & usum præcipiat, (§. 4.) nemini oculos tanto somno præcinctos esse putaverim, qui circa hoc quoq[ue] momentum, sororium Logicæ cum Mathesi nexum non pervideat.

§. XII.

Progrediendum jam specialius ad secundam mentis operationem, imprimis vero ad propositiones a posteriori eruendas, quo constet, an & heic con-nubium quoddam Mathesi cum Logica intercedat, nec ne. Est apud omnes in confessio, in Mathesi applicata sive mixta, plurimas veritates sensuum ope esse detectas. Qvotus enim qvisque est, qui nesciat in Opticis phænomena lucis exponi? in Hydraulicâ, plurium machinarum inventionem experientiæ acceptam referri? in aërometria plurima ex proprieta-tibus æris, experientia & observationibus notis de-monstrari? In Pyrotechnia nitrati pulveris inventio-nem experientiæ deberi? in Astronomia multa ei-dem inniti? in Catoptrica ab ipsa experientia varia vittorum causticorum genera esse reperta? Qui vero experimenta & observations per totam Mathesin ap-PLICATAM obvias, altius fuerit scrutatus, is nullo la-bore deprehendet, qvam pulchre soleant Mathemati-ci, exceptis duntaxat qvibusdam, Logicas de ex-pe-rientia regulas observare (§. 6.), qvamq[ue] cate si-bi cavere, ne vitium subreptionis, in veritatibus à po-te-

posteriori eruendis, committant. Longum esset
nimis eundo per singula eorum experimenta,
Logica in illis tecta artificia denudare, nequæ operæ
nostræ pretium facere videremur, ubi singula quæ-
vis percurreremus; liceat igitur nobis labore illo
tanto excusati supersedere, quanto res est testata
magis.

§. XIII.

Ergimus ad propositiones à priori eruendas. So-
lent Mathematici *axiomata & postulata* sua colli-
gere ex unica definitione: ut, dum ex definitione
circuli tam nominali quam reali, nimirum, qvod
circulus sit figura, cuius omnia puncta in peripheria
æqualiter distant à centro, &c. qvod generetur ex u-
nius lineæ circa fixum qvoddam punctum rotatione,
colligunt non solum axioma hocce; qvod omnes
radii in circulo sint æquales; verum etiam postula-
tum, qvod, si ducantur lineæ rectæ à centro & me-
ditullio circuli ad ejus circumferentiam, omnes illæ
sint æquales. *Theoremeta* vero ex pluribus definitio-
nibus vel propositionibus antea demonstratis confi-
cere, illis in more positum esse constat: ut, dum ex
definitione genetica coni, cylindri & spheræ, quo-
rum ille formatur ex circumvolutione trianguli cir-
ca perpendiculari, iste ex parallelogrammi circa u-
num latus in gyrum agitatione, hæc ex semicircu-
li circa diametrum circumrotatione, præterea ex
ratione tripla cylindri ad conum, & denique ex æ-
qualitate quadrati hypotenuse cum quadratis late-
rum,

17

rum, concludunt ad rationem subluperparticulararem
subsesq; valteram sphæræ ad cylindrum. Ut autem
eo, qvo decet, rigore demonstrandi, theorematum
certitudinem extra omnem controversiæ aleam col-
locent, habeantq; ve, unde ipsam demonstrationem
auspicentur, suelunt illa in duas partes resolvere,
hypothesin nimirum & thesin, illamq; priuum pen-
sitare, anteq; vam ad hanc progrediantur. Sic theo-
rema hocce in doctrina proportionum: antecedentia
habent eandem rationem ad se invicem, qvam ha-
bent consequentia, solet in hypothesin & thesin resol-
vi inq; ve sequentem propositionem priori æqvipol-
lentem converti: si fuerint qvatvor qvantitates pro-
portionales, erit antecedens prioris rationis ad antec-
endentem posterioris alternando, ut consequens prioris
ad consequentē posterioris. Hac autem analysi institu-
ta, ipsam propositionis demonstrationem à condi-
tione illa præcedanea exordiuntur. Cæterum ut di-
lis fidem faciam, præsens theorema demonstrabo.

Theorema:

Si $a:b::c:d$, erit alternando $a:c::b:d$

Demonstratio:

Si $a:b::c:d$, erit $a:b = \frac{a}{b}$ & $c:d = \frac{c}{d}$, si igitur $\frac{a}{b} =$

c , erit $\frac{c}{d} = c$ qvare $eb = a$ & $ed = c$, $a:c = \frac{a}{c}$, sed qvia

$a:eb = c:ed$ erit $\frac{a}{c} = \frac{eb}{ed}$, sed $\frac{eb}{ed} = \frac{b}{d}$, consequē-

ter $\frac{a}{c} = \frac{b}{d}$, sed $\frac{a}{c} = a:c$ & $\frac{b}{d} = b:d$, ergo $a:c :: b:d$. Q. E. D.

Accipe exemplum aliud.

Theorema:

Sia: $b :: c : d$, erita $a + b : a :: c + d : c$, & $a + b : b :: c + d : d$.

Demonstratio

Sia $a : b :: c : d$, erit alternando $a : c :: b : d$, sed $a : c = \frac{a}{c} & b : d = \frac{b}{d}$ qvare si $\frac{a}{c} = e$ erit $\frac{b}{d} = e$, hinc $ec = a & ed = b$ conseqventer $a + b = ec + ed$; sed $ec + ed = e \times c + d$, qvare $\frac{ec + ed}{c + d} = e$, hinc $\frac{ec + ed}{c + d} = \frac{a + b}{c + d} = ec + ed : c + d = a : c = b : d$ sed qvia $ec + ed = a + b$, erit $a + b : c + d :: a : c :: b : d$, hinc alternando $a + b : a :: c + d : c$ & $a + b : b :: c + d : d$. Q. E. D.

Qui igitur hæc consideraverit, deprehendet is de proclivi, demonstrationem semper incipi ab ipsa hypothesi, eaqve excussa, tandem pergi ad perpendiculariam thesin. Sed qvæ Mathematici facere solent circa axiomatum, postulatorum & theorematum inventionem horumqve demonstrationem, illis omnibus præcepta Logica facem præferunt: (§. 5. & 7.) datur igitur amicissimum inter Logicam & Mathesin vinculum. Conf. Cel. Cels. Arith.

§. XIV.

Qvod adtinet ad problemata, solent Mathematici illa vel ea ratione resolvere, qva inventa sunt, nimirum ex pluribus definitionibus & propositionibus secum invicem collatis, (§. 7.) vel distinctam ejus, qvod inveniendum & efficiendum est notionem penitus introspicere, eaque in memoriam recicare, qvæ illis jam antea de ejusdemodi rebus perspecta sunt, quo liqueat, an in illis qvicquam riperiri possit, qvod ad institutum spectat. Accipe exemplum rei ex Cel. Wolffii elementis analyseos.

Problema:

Ex data summa duarum quantitatum & differentia earundem, invenire quantitatem utramque.

Resolutio:

$$\text{Sit Summa} = a$$

$$\text{Differentia} = b$$

$$\text{Quant minor} = x$$

$$\text{Major} = y$$

erit

$$x + y = a$$

$$\underline{x \quad x}$$

$$y - x = b$$

$$\underline{x \quad x}$$

addat.

$$\begin{array}{rcl} \text{Resid.} & y = a - x & y = b + x \text{ summa.} \\ & \text{conseqventer} & \end{array}$$

$$a - x = b + x$$

$$\begin{array}{rcl} \text{addat.} & \underline{x \quad x} & \text{addat.} \\ & & \end{array}$$

$$\begin{array}{rcl} \text{Summa.} & a = b + x & \\ & b & \end{array}$$

$$\begin{array}{rcl} \text{Subtr.} & \underline{b \quad b} & \text{Subtr.} \\ & & \end{array}$$

$$\begin{array}{rcl} \text{Resid.} & a - b = x & \end{array}$$

ergo

$$\frac{a - b}{2} = x.$$

2

Analysis operationis:

Quoniam summa constatur ex duorum numerorum additione; hinc

$$x + y = a$$

Quoniam differentia exsurgit ex numero-
rum à se invicem subtractione; hinc

$$y - x = b$$

Quoniam, subtracta quantitate minori à sum-
ma, relinquitur major; hinc

$$y = a - x$$

Quoniam major est equalis differentia, mi-
nori addita; hinc

$$y = b + x$$

Quoniam uni tertio equalia inter se sunt aqua-
lia; hinc

$$a - x = b + x$$

Quoniam summa equalis differentiae & mi-
nori bis sumta; hinc

$$a = b + 2x$$

Quoniam summa, subtracta differentia, &
equalis minori bis sumta; hinc

$$a - b = 2x$$

Quoniam equalia equalibus divisa quosos
dant aequales; hinc

$$\frac{a - b}{2} = x$$

2

Qvis igitur ex hisce videre non poterit, præcepta Logica circa problematum resolutionem (§. 7.) à Mathematicis in praxin deduci, cum etiam in præ-
senti exemplo, utpote ex hac, quam dedimus, analy-
si patet, notionem ejus, quod efficiendum est, di-
stinctam venentur, aliaque ex casibus similibus in
subsidiū vocent? Etiamsi veteres Muthematici hanc
presse

presse secuti sint viam, quam in operationis ostendimus analysi, Logicaque sequendam injungit, moderni autem omnem in calculo laborem per æquationes facilitare soleant, prout ex ipsa operatione evidens est: tantum tamen abest, ut æquationes illæ Algebraicæ præceptis Logisticis contrariæ sint, ut potius horum cum illis harmoniam non sine voluptate conspicere liceat.

§. XV.

Quod tertiam mentis operationem concernit Logica suis cum præceptis non id solum intendit, ut syllogismus, sive formalis & distincta ratiocinatio possit confici; verum etiam assertum it, sine syllogismis nec erroricaveri, nec facile inveniri, nec denique demonstrari quicquam posse. (§. 8.) Cum autem Scientia Mathematica errores quam maxime fugiat, multa nova in dies inveniat suaque asserta rigore, quo nihil supra, demonstret omnia; hinc dubium oriri poterit, an unquam illa, tanto licet privilegio munera, syllogismis utatur in demonstrando & inveniendo. Quod ut evanescat accipe exemplum ex acutissimi Wolfi elementis analyseos problematis alicujus resolvendi:

Problema:

Data summa dignitatum similium duarum quantitatum & differentia earundem, invenire quantum utramque.

Resolutio:

Si summa est = a

Quant. major = y

Diffe-

Differentia $= b$ qvant. minor $= x$
 Exponens dign. $= m$
 erit

$$x^m + y^m = a \quad y^m - x^m = b$$

Subt. $\frac{x^m}{x^m} - \frac{x^m}{x^m}$ addatur

$$y^m = a - x^m \quad y^m = b + x^m$$

ergo

$$a - x^m = b + x^m$$

addat, $\frac{x^m}{x^m} - \frac{x^m}{x^m}$ addatur

$$\frac{a}{b} = \frac{b + 2x^m}{b}$$

$$\begin{array}{rcl} \text{Divid.} & \frac{a-b}{a} & = \frac{2x^m}{a} \\ & \hline & \end{array} \quad \text{Divid.}$$

$$\frac{a-b}{a} = x^m$$

$$\begin{array}{rcl} \text{Ext. rad.} & \frac{a}{m} & \\ & \hline & \end{array} \quad \gamma \left(\frac{1}{2}a - \frac{1}{2}b \right) = x$$

Ut autem dispalescat, Mathematicos etiam in
 inveniendo uti syllogismis, instituendam mihi esse
 existimo præcedentis operationis anatomiam & ana-
 lyzin, totamqve illius teriem in meros syllogismos
 formales resolvendam,

1. Sum-

I.

Summa in dato casu componitur ex quantitate
majore & minore,

a est summa (sec. hypothesin)

Ergo a componitur ex quant. majore & minore ,

2.

a componitur ex quantitate majore & minore
(vi syllog. 1.)

$x^m + y^m$ est quant. major & minor sec. hypot.

Ergo a componitur ex $x^m + y^m$

3.

Omne compositum est componentibus simul
sumtis æqvale,

a est compositum, (vi syllog. 2.)

Ergo a est componentibus simul sumtis æqvale.

4.

a est componentibus simul sumtis æqvale (vi
syllog. 3.),

$x^m + y^m$ sunt componentia (vi syllog. 2.)

Ergo a = $x^m + y^m$

5.

Æqvalia ab æqvalibus subtracta dant residua æ-
qvalia.

$x^m - x^m$ a itidem = $x^m + y^m$ (vi syllog. 4.)

Ergo a - x^m = y^m

D

6.

6.

Quantitas minor subtracta à majore est æqvalis differentiæ,

$y^m - x^m$ est qvantitas $>$ & $<$ (sec. hypoth.)

Ergo $y^m - x^m$ est æqvale differentiæ.

7.

$y^m - x^m$ est æqvale differentiæ (vi syllog. 6.)

b est differentia sec. hypoth.

Ergo $y^m - x^m = b$

8

Æqvalia æqualibus addita dant aggregata æqvalia,

$x^m = x^m$, $y^m - x^m = b$ (vi syllog. 7.)

Ergo $x^m + y^m - x^m = x^m + b$

9.

$x^m + y^m - x^m$ & $x^m + b$ dant aggregata æqvalia (vi syllog 8.)

sed $x^m + y^m - x^m = y^m$, $x^m + b = b + x^m$

Ergo $y^m = b + x^m$

10.

Æqvalia uni tertio inter se sunt æqvalia,

$$a - x^m = y^m, b + x^m = y^m \text{ (vi syllog. 5 & 9.)}$$

$$\text{Ergo } a - x^m = b + x^m$$

11.

Æqvalia æqvalibus addita dant aggregata æqvalia,

$$a - x^m = b + x^m \& x^m = x^m \text{ (vi syllog. 10.)}$$

$$\text{Ergo } a - x^m + x^m = a - b + x^m + x^m = b + 2x^m$$

12.

Æqvalia æqvalib⁹ subtracta dant residua æqvalia

$$a = b + 2x^m \& b = b \text{ (vi syllog. 11.)}$$

$$\text{Ergo } a - b = b + 2x^m - b = 2x^m$$

13.

Æqvalia æqvalibus divisa dant qvotos æqvales

$$a - b = 2x^m \& 2 = 2 \text{ (vi syllog. 12.)}$$

$$\text{Ergo } \frac{a - b}{2} = \frac{2x^m}{2} = x^m$$

14.

Dignitates æqvales habent æqvales radices

$$\frac{a - b}{2} = x^m \text{ (vi syllog. 13.)}$$

²^m

$$\text{Ergo } V(\frac{1}{2} a - \frac{1}{2} b) = x$$

Liqvet ut spero, ex hac resolutione omnibus, nisi qui sint, qui cœcutire quam videre laudabilius duxerint, quis nimirum sit syllogismorum in inveniēdo usus; siqvidem tota illa qvæsitum in dato problema te inveniendi via in 14. syllogismos formales sese resolvit. Par ratio est in theorematibus, ubi demonstrationes facili possunt negotio in syllogismos formales redigi, adeo ut nesciam, quo non pretio certem, vix ulla dari theorematum demonstrationes & problematum resolutiones, quæ non sint ex puris putis syllogismis conflatæ. Quantumvis autem formalis ille ratiocinandi modus in demonstratione & qvæsti inventione non compareat, qvin potius enthymemata obtineant; illud tamen aliunde non est, quam, qvod præmissæ, eam ob caussam, qvod præsupponuntur ex antecedentibus cognitæ, omittantur. Ut igitur sic nemo facile detur, qui influxum Logicæ in Mathesin non tam videre oculis, quam palpare manibus possit.

§. XVI.

Posset heic ulterius ostendi, Mathematicorum veritates proponendi modum, si totam Mathelesos seriem species, methodumque imprimis Euclidream, in qua nihil affirmatur, nisi, qvod in antecedentibus jam demonstratis rationem sui contineat, adeo ut illa præcedant, qvæ seqventibus demonstrandis intervint, seqvantur vero non interrupte ea, qvæ ex superioribus colligi possunt, posset, inquam, ostendi pluribus, hunc veritatum ordinem, esse illum

27

lum ipsum, qvem sanior desiderat Logica: cæterum, cum de hoc non tam persuasi qvam convicti sint, qvotqvot rem accuratiore consideratione dignantur, mihiqve imperata brevitas calamum in hisce ulteriori currere volentem sufflaminet, illud sicco pede præterire cogor. Anteqvam autem manum de tabula, lubet superiora in argumentum quoddam, tamqvgam in unum fascem compingere.

Argumentor :

Qvæcunqve Disciplina

- 1:0 In modo ad rerum notiones pervenienti,
- 2:0 In investigandis notionibus distinctis & adæqvatis,
- 3:0 In condendis definitionibus tam nominalibus qvam realibus,
- 4:0 In modo ad definitiones reales pervenienti,
- 5:0 In observandis circa experientiam cautelis,
- 6:0 In axiomatibus, postulatis & theorematibus inventendis,
- 7:0 In theorematis demonstrandis,
- 8:0 In resolvendis problematibus,

In modo in tota sua serie veritates proponendi, viam à Logica stratam seqvitur & calcat, illius datur cum Logica nexus;

Atqui disciplina Mathematica id facit (§. 9. 10. 11.
12. 13. 14. 15. 16.)

Ergo &c.

SOLI DEO GLORIA,

Epimetra :

Veritas non est nisi una, licet trifariam dispesci soleat.

2.

Sine veritate transcendentalis Metaphysica, que in ordine eorum, que enti convenient, consistit, omnes Scientia una ruina considerent.

3.

Quemadmodum tempus est ordo successivorum in serie continua ita spatum est ordo simultaneorum, itidem in serie continua; locus vero determinatus duntaxat aliis coexistendi modus.

4.

De certitudine principii identitatis indiscernibilium dubitare non possumus.

5.

Principium identitatis sive positionis, nec non principium exclusi-

clusi medii, cum in principio contradictionis contineantur,
Ex eo per modum corollarii fluant, non sunt adeo in de-
monstrandis veritatibus necessaria, etiam si ipsa sint verissi-
ma.

6.

Quemadmodum principium contradictionis fundamentum est
essentiarum Ex veritatum eternarum: ita principio rationis
sufficientis omnes veritates contingentes innituntur.

7.

Principium rationis sufficientis, quod ad Deum Ex omnia alia
entia applicari debet, non habendum est pro monito, ut rerum
rationes indagentur; sed pro tali, quod realiter in demonstra-
tiones influit.

8.

Principium Cartesianum: cogito ergo sum, suo merito dee-
raudandum non est.

9.

Datur futurorum contingentium determinata veritas.

